



Siverth K. Heilmann
Atassut

UKA 2021/28
2. november 2021

Piffissaq piniarfiusoq tamaat isigalugu nalunaarutip aalajangersagaasa iluini, umimmannik ukiukkut piniarneq, taamaaliornermi assersuutigalugu Naternami pisassiissutit ukiakkut pisarineqanngitsoortut ukiukkut iluaqutigineqarsinnaasunngorlugit pinissaat, qulakkeeqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Kristian Jeremiassen, Inuit Ataqatigiit)

Siunnersuuteqartoq inatsisartuni ilaasortaq Kristian Jeremiassen, Inuit Ataqatigiit, qujanaq inatsisartunut aalajangiiffigisassatut siunnersuuteqarninnut, imatullu naatsumik Atassummiit oqaaseqarfigissavarput.

Siunnersuuteqartup tunngavilersuuteqarnermini umimmaat Naternami pisassiissutit ukiakkut pisarineqanngitsoortut ukiukkut iluaqutigineqarsinnaanngorniarnearpoq. Taamaattorli Naalakkersuisut siunnersuuteqartumut akissutaanni ersarilluinnartumik oqaatigineqarpoq, Naternami umimmannit pisassiissutigineqartunit, 2021-imi aasap ukiallu ingerlanerani pisarineqanngitsoortut, 2022-imi ukiumut nuunneqarnissaat aalajangiunneqareersoq, taamaalillunilu siunnersuutigineqartoq tunngaviatigut aamma siunissami atorineqarnissaa allannguisoqarnissaata tungaanut atuutissasoq.

Naternami umimmanniartarneq kisimi pineqarmat, piffinni umimmaqarfiusuni allani misilittakkat pitsaasut ajoqutaasinnaasullu tikinnianngilakka. Taamaattorli nunaqavissut neqissaqarniarnikkut umimmaallu amii, qiviui, nassui, tunnui kukiffaalu misilittagaqarfigereerluakkagut atorluarneqarlutik iluaqutigineqarumaartut.

Taamatut naatsumik oqaaseqarluta tunngaviatigullu tapersiilluta, suliap aappassaaneerneqartigani ataatsimiititaliami susassaqartumi suliareqqarneqarnissaa Atassummiit inassutigaarput.

Qujanaq.